

Broj : 01- 807 /12

Dana : 20.06.2012 godine

SKUPŠTINA KANTONA SARAJEVO
predsjedavajuća Skupštine

PREDMET: Poslaničko pitanje Solaković Adnan-a, odgovor, d o s t a v l j a s e ;-

Poslanik Solaković Adnan je na Petnaestoj Radnoj sjednici Skupštine Kantona Sarajevo, održanoj dana 30.05.2012 godine, u okviru tačke Dnevnog reda "Poslanička pitanja, inicijative i odgovori", naglasio je da u skladu sa članom 28. Ustava Kantona Sarajevo, kao najvećeg pravnog akta Kantona pred kojim se polaže zakletva, Vlada Kantona Sarajevo je dužna i obavezna da provodi nadzor nad radom policije Kantona Sarajevo i u skladu s tim postavio je poslaničko pitanje:

Poslaničko pitanje 1:

„Da se dostavi odgovor šta je do sada učinila poduzela Vlada Kantona Sarajevo povodom uređivanja odnosa unutar MUP-a Kantona Sarajevo i otklanjanja pravnog vakuma kojeg prouzrokuje nepostojanje Nezavisnog odbora, koji po zakonu vrši nadzor nad radom policijskog komesara? Mišljenja sam da bi po Ustavu i sistematskim zakonima Vlada trebala obavljati poslove Nezavisnog odbora jer je prijašnjem istekao mandat prošle godine u martu, a primaju i dalje naknade i po kojem osnovu se plaćaju naknade?“

Odgovor na poslaničko pitanje 1:

Obavještavamo Vas da je ministar unutrašnjih poslova Kantona Sarajevo, u okviru Ustavom utvrđenih nadležnosti i u skladu sa Odredbama člana 21. Zakona o unutrašnjim poslovima Kantona Sarajevo („Službene novine Kantona Sarajevo“, br. 22/00 – prečišćeni tekst, 15/02, 18/02 i 28/02), koje propisuju da pod sveobuhvatnim nadzorom ministra, komesar policije rukovodi svim policijskim operacijama i člana 17. koji između ostalog propisuje, da Ministarstvom rukovodi ministar, organizira rad Ministarstva i osigurava njegovo zakonito i efikasno funkcionisanje, više puta Nezavisnom odboru upućivao žalbe na rad policijskog komesara, po kojima isti nije postupao.

Također Vlada Kantona Sarajevo je u skladu sa Ustavom utvrđenim nadležnostima više puta donosila i dostavljala Zaključke (u prilogu akta) Nezavisnom odboru radi utvrđivanja odgovornosti policijskog komesara, međutim Nezavisni odbor nije nikad Vladi dostavio izjašnjenje o postupanju. Istakli bi da Ustav Kantona Sarajevo kao najveći pravni akt u članu 28. tačka f) utvrđuje da Vlade Kantona Sarajevo vrši nadzor nad Kantonalnom policijom i da član 93. Zakona o organizaciji organa uprave u Federaciji Bosne i Hercegovine propisuje da izvršni organi vlasti (Vlade) na svim nivoima vlasti imaju pravo razmatrati rad organa uprave i upravnih organizacija, ispitivati stanje u oblasti iz njihove nadležnosti i pokretati postupak za smjenjivanje rukovodioca organa uprave i upravne organizacije ako ocjene da ti organi i organizacije ne izvršavaju pravilno i na zakonom predviđen način poslove iz svoje nadležnosti i da su zbog toga nastale, ili mogu nastati štetne posljedice po prava i dužnosti građana, pravnih lica i drugih subjekata, ili posljedice za javne interese. Imajući u vidu sve navedeno i činjenicu da je mandat Nezavisnom odboru istekao 30.03.2011. godine, da mu nije produžen mandat i da nije imenovan novi u skladu sa Zakonom i objavljenim Javnim konkursom početkom 2011. godine, nije moguće provoditi odredbe člana 25. pomenutog Zakona o unutrašnjim poslovima Kantona Sarajevo koje propisuju da Nezavisni odbor razmatra sve žalbe koje se odnose na rad policijskog komesara, te da bi se otklonio pravni vakum koji je naveden u zastupničkom pitanju, može se smatrati neophodnim primjena nevedenih odredaba Ustava i sistemskog Zakona koji reguliše rad organa uprave. Komisija za izbor i imenovanje Skupštine Kantona Sarajevo je nadležna i dužna dostaviti odgovor na dio poslaničkog pitanja, koji se odnosi na naknade koje primaju članovi Nezavisnog odbora nakon isteka mandata.

S poštovanjem,

MINISTAR

Dr.Sci. Muhamed Budimlić